



20. august 2013

Inatsisartut Suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara:

Suna pissutaava Naalackersuisut inatsiseqarnermut pisortassarsiornerannut atatillugu piumasaqaat eqqumiikajaartoq ”politikkimut paasinnillaqqisuunissamut” tunngasoq allaqqammat?

(Inatsisartunut ilaasortaq Palle Christiansen, Demokraatit)

Tunngavilersuut

Soorlu amerlanerit nalugunangikkaat, Naalackersuisuni inatsiseqarnermut pisortatut atorfik inuttassarsiuuneqarpoq. Ataatsiakkaat aamma malugisimassajunnarsivaat atorfik inuttassarsiuuneqalersimasoq.

Uanga nammineq inuttassarsiuussineq atuarpara malugisimallugulu immikkut piginnaaneqarnissamut piumasaqaatit.

Atorfiup imaa eqqarsaatigalugu – inatsisinut annertuumik ilisimasaqartariaqarnerup saniatigut – naatsorsuutiginaraluarpoq ilinniakkatigut aalajangersimasuunissaq malittarisassallu atuuttut malinneqarnissaasa piumasaqaatiginissaannut sapiissuseqarnissaq ilaassasut. Inuttassarsiuussinerli piumasaqaatinik taamaattunik imaqaanngilaq. Piginnaasaqarnissamut piumasaqaatini siullerpaanut ilaalluni allaqqavoq ”politikkimut paasinnillaqqissuunissaq”.

Aperisariaqarporlu tamatumani suna eqqarsaatigineqarnerasoq aamma suna siunertaanersoq?

Namminersorlutik Oqartussani inatsiseqarnermut pisortaq sutigut tamatigut suliani ingerlassinnaassavaa politikki qissimigaaqqaarnagu. Inatsisartut innuttaasullu tatigilluinnartariaqarpaat, inatsiseqarnermut pisortap kinaassusersiorani politikikkullu arlaannaannulluunniit attuumassuteqarani suliani suliarisinnaasariaqarai.

Inuttassarsiuussinermi ”politikkikkut paasinnillaqqissuunissap” piginnaanerusariaqartutut allaqqanera eqqumiippoq tatiginninnissamullu apeqquusiilluni – aamma taamaallaat siulianik soraarsitsinermut tunngaviusut pillugit tusagassiutini eqqartorneqareersut eqqarsaatigalugit ernumanissamut tunngavissiiginnarpoq.

Apeqquutit akeqquneqarput tiguseraniit ullut sulliviit naliginnaasut qulit qaangiutsinnagit.